

OKVIRNI SPORAZUM

o nabavci usluge izdavanja avio karata

zaključen između:

USTAVNI SUD BOSNE I HERCEGOVINE, Džemaludina Čauševića 6, Sarajevo, koga zastupa predsjednik Ustavnog suda BiH, Mirsad Ćeman, (u daljem tekstu: **Naručilac usluga**)

i

EUROLINE TRAVEL d.o.o., Kralja Petra I Karađorđevića br. 97, Banja Luka, koga zastupa Vanja Janković, direktor (u daljem tekstu: **Davalac usluga**)

Član 1.

Predmet ovog okvirnog sporazuma je nabavka usluga izdavanja avio karata i organizovanja putovanja za potrebe Ustavnog suda Bosne i Hercegovine, prema definisanim uslovima iz tenderske dokumentacije broj P3-67/17 od 20. januara 2017. godine i prema sadržaju ponude broj 02/17 od 27. januara 2017. godine sa kojom je Davalac usluga učestvovao u provedenom postupku konkurentskog zahtjeva za dostavljanje ponuda i koja je sastavni dio ovog okvirnog sporazuma.

Naručilac usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

Član 2.

Ukupna okvirna vrijednost ovog sporazuma iznosi 30.000,00 KM bez uračunatog PDV-a, odnosno 35.100,00 KM sa uračunatim PDV-om.

Cijena naknade za prodaju avio karata (TSC) za pružanje usluga iz člana 1. ovog okvirnog sporazuma po ukupnoj predviđenoj količini iz TD je:

Ukupna cijena ponude bez PDV-a: 140,00 KM

Iznos PDV-a: 23,80 KM

Ukupna cijena ponude sa PDV-om: 163,80 KM

Vrijednosti pojedinačnih narudžbi podrazumjevaju vrijednosti pojedinačnih avionskih karata kao i vrijednosti usluge izdavanja avionskih karata za potrebe Naručioca usluga.

Obavljanje navedenih usluga iz člana 1. ovog sporazuma će se vršiti sukcesivno u toku trajanja ovog okvirnog sporazuma na osnovu pojedinačnih narudžbi Naručioca usluga.

Član 3.

Ugovor se zaključuje na određeno vrijeme, za period trajanja od 12 mjeseci, uz mogućnost jednostranog raskida ugovora uz otkazni rok od trideset (30) dana.

Član 4.

Davalac usluga se obavezuje da će usluge izdavanja avio karata pružati u skladu sa Ponudom broj 02/17 od 27. januara 2017. godine koja je sastavni dio ovog ugovora, a po narudžbi Naručioca usluga. Najava i otkaz rezervacije vrše se pismenim putem (faksom ili e-mailom).

Davalac usluga će omogućiti kontakt 24 sata na dan, i u dane kada se ne radi, kao i osigurati prioritet prilikom pružanja usluga, te besplatno dostaviti avio kartu elektronskom poštom ili adresu naručioca usluga, odnosno na drugu udaljenu lokaciju u svijetu u skladu sa zahtjevom naručioca usluga bez zaračunavanja dodatnih troškova.

Davalac usluga se obavezuje da osigura alternativne rute u okviru opisa putovanja, te je dužan da Naručocu usluga ukaže za sve moguće posljedice u slučaju otkazivanja, propuštanja kao i izmjene leta.

Rok za isporuku avionskih karata i organizovanja službenih putovanja po pismenom zahtjevu Naručioca usluga je najkasnije tri dana prije dana putovanja.

Davalac usluga dužan je po svakom zahtjevu koji dobije od Naručioca usluga, dostaviti najmanje tri opcije (ponude tri avio kompanije) za usluge nabavke avio karata i organizovanja putovanja.

Član 5.

Naručilac usluga se obavezuje da će, s obzirom na sistem trezorskog poslovanja institucija BiH, fakturu za navedene usluge proslijediti na plaćanje Ministarstvu finansija i trezora BiH sedam (7) dana nakon korištenja usluge odnosno realizacije leta.

Davalac usluga je saglasan da Naručocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.

Ovaj okvirni sporazum se zaključuje na period od 12 mjeseci, a stupa na snagu danom potpisivanja od strane ovlaštenih osoba ugovornih strana.

Član 9.

Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

Za Davaoca usluga



Vanja Janković
Direktor

Broj: _____

Datum: 27.02.2017.

Za Naručioca usluga



Mirsad Ćeman
Predsjednik

Broj: P3-67/17

Datum: 23.2.2017.